

Ang Pag-porma sa mga Grupong Panagkatigum

Mga Bersiculo:

Mateo 18:19 Sa pagkatinuod moingon sab Ko ninyo nga kon dunay duha kaninyo sa yuta nga magkauyon bahin sa bisan unsang butang nga ilang pangayoon, buhaton kini sa akong Amahan nga naa sa mga langit alang nila. (20) Kay diin ngani dunay duha o tulo nga magkatigom ngadto sa akong ngalan, naa Ko sa ilang taliwala.

Bahin sa Pagpangalagad:

Sumala sa atong kasaysayan, kon moabot na ug usa ka gatos ang tigtambong sa iglesia, ang rate sa pagdaghan (increase) magkaubos na. Ang hinungdan niini kay sa dihang makab-ot na ang numero, wagtangan na dayon ang prinsipyo sa panagkatigum sa mga grupo. Nagsugod na dayon ta ug salig sa mga dagkong panagkatigum og magsugod na dayon ug buhat sa tanang mga butang aron ma-suportahan, ma-mintinar, mapadato, ug ma-uplift (mabayaw) ang dinagkong panagkatigum. Alang tanan sa dagkong panagkatigum. Sukwahi gyud kini sa prinsipyo sa biblia.

Maka-amgo gyud unta ta nga ang atong kapalaran nagdepende sa mga grupong panagkatigum. Kon dili ta mobansay sa mga grupong panagkatigum, magpabiling ubos ang rate sa atong pagdaghan. Busy (nagkapuliki) tingali ta matag adlaw sa daghang mga butang, bisan pa sa panagkatigum ngadto o nganhi ba, apan mahimo nga kawang ra kini tungod kay ang pagdaghan tingali nato mubo ra sa 10% kada tuig. Kini ang hinungdan nga kinahanglan maningkamot gyud ta sa pagporma sa mga grupong panagkatigum.

Dili man maka-conflict sa atong iglesiahang kinabuhi karon o sa atoang pamaagi karon ang pagbansay sa mga grupong panagkatigum. Dili kinahanglan nga mohunong ug tambong ang mga balaan sa panagkatigum sa pag-ampo o sa lain bang mga panagkatigum. Kinahanglan gihapon nila motambong sa mga regular nga mga panagkatigum. Apan ingon nga dugang sa mga regular nga panagkatigum, dunay panginahanglan sa pipila nga mokuha sa luwan og magporma og bag-ong mga grupong panagkatigum..

Sa pagporma ug mga bag-ong grupo, una mag-ampo gyud ta, mangayo sa Ginoo nga tagaan tag suod nga kauban (companion). Kon mo-ampo ka, giyahan tingali ka sa Ginoo nga mo-adto sa usa ka igsoon nga naglingkod sunod nimo. Sa dihang adtoon nimo siya ug isulti ang imong tuyo kaniya, pamatud-an tingali sa Espiritu ang imong buhat ug dasigon siya nga mouban nimo. Diha dayon ang duha kaninyo mahimong grupo. Ang unang butang nga buhaton ninyo sa inyong panagkatigum sa grupo mao ang pag-usa sa inyong kaugalingon sa Espiritu ug sa inyong palibot. (pakig-ambitay kalabot sa dinaliang panginahanglan sa lagsik nga mga grupo, ch.3)